



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

Anno Sexto.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)



1681.  
& 1682.

nus ab Assumptione Prior Generalis Congregationis dictorum Fratrum Brigittanorum Novissimum Nobis subinde exponi fecit, ipse Decretum hujusmodi, quo firmius subsistat, Apostolica confirmationis nostræ patrocinio communitri summo opere desideret: Nos specialem ipsi Guisleno Procuratori Generali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutorum fore censentes, supplicationibus ejus nomine nobis super hoc humiliter porrectis inclinati, Decretum præinsertum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus.

Confirmatio  
d. Decreti.

Clausulæ.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit in omnibus & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & delegatos, etiam causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

§. 4. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum, tam in judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXIV. Octobris MDCLXXXI. Pontificatus nostri Anno Quinto.

CIII.

Componuntur a Pontifice variæ lites ortæ inter Archiepiscopum Mechlinien., & ejus Diœcesis Regulares exemptos.

Dat. 20. Maji  
1682. An. 6.

## INNOCENTIUS PAPA XI.

*Ad futuram rei memoriam.*

Lites hujusmodi pluries examinatz fuerunt.

Cum inter Venerabilem Fratrem modernum Archiepiscopum Mechliniensem ex una, ac dilectos filios Regularium Ordinum Professores Civitatis, & Diœcesis Mechliniensis, qui ab Ordinaria Jurisdictione exempti sunt, ex altera partibus, nonnullæ controversiæ exortæ, & in particulari Congregatione desuper a Nobis deputata pluries ventilatæ fuerint; Ipsæ vero partes, paternæ charitati nostræ ad concordiam inter eas stabiliendam benigne propensæ, humili obsequio morem gerentes, de controversiis hujusmodi inter se amicabiliter convenerint, Nobisque humiliter supplicaverint, ut opportune desuper providere, & ut infra indulgere de benignitate Apostolica dignemur. Hinc est, quod Nos specialem Archiepiscopo, & Regularibus præfatis gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure vel ab homine, quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum ha-

Preces partium pro compositione dd. litem.

rum serie absolventes, & absolutos fore censentes, hujusmodi supplicationibus inclinati, ac controversias prædictas ad Nos harum serie avocantes, omnemque licem super illis, seu eorum occasione emanatam extinguentes, auctoritate Apostolica, tenore præsentium statuimus, & ordinamus, ut in posterum dictus Archiepiscopus non possit exigere a præfatis Regularibus exemptis, & Apostolicæ Sedi immediate subiectis, in eorum promotione ad Ordines, in benedictione Abbatum, & in licentiis prædicandi, & confessiones audiendi, ac in alia quacumque occasione, obedientiam cum juramento fidelitatis, sed tam ab Archiepiscopo, quam a Regularibus debeat accurate in similibus actibus observari forma, & dispositio Pontificalis Romani in Alma Urbe nostra novissime impressi: licitum autem sit iisdem Regularibus gestare in publicis processionibus cum Sanctissimo Eucharistiæ Sacramento, Reliquias, & Imagines Sanctorum, hoc tamen servato, ut dictæ Reliquiæ, & Imagines portentur in principio processions inter prima lumina, itaut inter ipsas, & Sanctissimum Sacramentum sit rationabilis, & competens distantia. In ipsis vero processionibus procedatur cum omni debita modestia, & devotione, nec illæ fiant per plateas, & vias mercatum, ac ubi Populus in profanis cœtibus occupatus sit, non tamen liceat dictis Regularibus facere processiones hujusmodi extra Claustra suorum Conventuum, nisi duabus tantum vicibus in anno, una intra Octavam festivitatis Corporis Domini, & altera in una die Dominica, vel festiva de præcepto tantum, determinanda ab iisdem Regularibus, cum approbatione præfati Archiepiscopi, intra terminum unius mensis; cum expressa tamen declaratione, quod quidquid supra stabilitur circa prædictas processiones, non intelligatur suffragari illis Societatibus, & Confraternitatibus, quæ in Ecclesiis ipsorum Regularium erectæ, aut illis adscriptæ sint. Occurrente autem aliqua publica, & gravi causa, quæ reiterationem similibus processionum requireret, non possint Regulares eas facere absque præcedente expressa licentia præfati Archiepiscopi, qui eo casu poterit providere secundum dictamina propriæ prudentiæ, & pietatis. Porro liceat iisdem Regularibus exemptis in eorum Ecclesiis absque alia memorati Archiepiscopi licentia, horis vespertinis exponere venerationi Populi præfatum Sanctissimum Sacramentum in Ostensorio, diebus, & festis infra scriptis: Videlicet, in omnibus Dominicis anni, in festis Nativitatis Domini, Sancti Stephani, Sancti Joannis Evangelistæ, Circumcisionis Domini, secundo, & tertio diebus Paschatis Resurrectionis, & Pentecostes, in festo Ascensionis Domini, in Octava Corporis Domini, in omnibus Beatissimæ Virginis Mariæ festivitibus de præcepto, in festis Sanctorum Apostolorum, in die Omnium Sanctorum, in die Dedicacionis Ecclesiæ, in festivitate Protectoris ejusdem, intra mensem a Regularibus eligenda, si Ecclesia plures uno habuerit, in diebus Dedicacionis Sancti Michaelis Archangelii, Nativitatis Sancti Joannis Baptistæ, ac Sanctorum Petri, & Pauli, & in festivitate Fundatoris Ordinis. Ac pariter licitum sit, ut supra præfatis Regularibus exemptis exponere iisdem horis vespertinis, sed in Ciborio, præfatum Sanctissimum Sacramentum singulis quintis feriis, aut alio die feriato intra terminum unius mensis, ut supra eligendo; licita quoque sit, ut supra expresso in Ostensorio mane tempore Missæ principalis, in iis tamen locis tantum ubi hætenus consuetum est, in diebus festivis tantum infra scriptis; Nempe Nativitatis Domini, Paschalis, Pentecostes, Sanctissimæ Trinitatis, Corporis Domini, & matutino tempore illius diei intra Octavam Corporis Domini, qua processio supra

A Pontifice nonnullæ sunt Ordinationes circa Obedientiam cum juramento.

Circa gestacionem Reliquiarum.

Circa Processiones.

Circa expositionem SS. Sacramenti.



enuntiata fiet, ac in festiuitatibus Assumptionis B. Mariæ Virginis, & omnium Sanctorum. In omnibus autem expositionibus supradictis non possit populo dari nisi una tantum benedictio cum Sanctissimo Sacramento; nec idem SSimum Sacramentum possit eodem die publice exponi in pluribus Altaribus ejusdem Ecclesiæ, nec postquam in uno Altari expositum fuerit, ad aliud Altare, ut ibi pariter exponatur, transportari valeat. Quod si Sacra Communio eodem tempore quo Sanctissimum Sacramentum expositum sit, administranda fuerit, id fiat in Altari diverso, sumendo Sanctissimum Sacramentum ex Ciborio, & finita Communione reponatur in Tabernaculo, aut ita velo tegatur, ut conspici non possit. Denique circa idem Sanctissimum Sacramentum dum expositum fuerit, debeant ardere ante illud continuo saltem decem Candelæ ex cera candida, & pariter ibidem assistere absque intermissione duo Religiosi genuflexi.

Clausula.

§. 1. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari, & ab eis respectiue inuoluntate obseruari; Sicque in præmissis per quoscumque Judices Ordinarios, & delegatos, etiam causarum Palatii Apostolici Auditores, iudicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 2. Non obstantibus præmissis, ac Apostolicis, & in Universalibus, Provincialibusque Conciliis editis generalibus, vel specialibus Constitutionibus, & Ordinationibus, necnon quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis: Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens ad præmissorum effectum hac vice dumtaxat, specialiter, & expresse derogamus, cæterisque contrariis quibuscumque.

§. 3. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, tam in iudicio, quam extra illud ubique locorum habeatur; quæ haberetur ipsis præsentibus, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris die XX. Maji MDCLXXXII., Pontificatus nostri Anno Sexto.

CIV.

Confirmatur Pontificis Decretum, quo vetita fuit Conuentibus Carmelitarum Congregationis Mantuanæ electio Sociorum ad Generale Capitulum mittendorum.

Dat. 12. Julii 1682. An. 6.

INNOCENTIUS PAPA XI.

Ad perpetuam rei memoriam.

Electio ditorum Sociorum juxta Constitutiones Congregationis.

Cum Nobis innotuisset, in Congregatione Mantuana Fratrum Ordinis B. Mariæ Virginis de Monte Carmelo ex præscripto Constitutionum ipsius Congregationis seruari, ut quilibet Conuentus, in quo sex Fratres in Sacro presbyteratus ordine constituti de familia residerent, suum eligeret socium, qui ad Capitulum Generale d. Congregationis accederet in eoque voti, siue suffragii prærogatiuam haberet. Verum

ejusmodi Sociorum electionem, & ad Capitularia comitia accessum non solum præfata Congregationi, ejusque Conuentibus multum adferunt dampnii, sed etiam prorsus inuitiles esse, cum finis, cujus gratia introducta fuerat hujusmodi Sociorum electio, aut cessasset, aut variis artibus eluderetur, aut aliunde melius obtineri ualeret, quin etiam eorundem Sociorum in Capitulis Generalibus interuentum electionibus, aliisque actibus ibidem fieri solitis, quo minus recte, atque ordine fierent, multum impeditenti, atque perturbationis inuehere. Nos die 16. Martii proxime præteriti, attentis præmissis, aliisque iustis de causis animum nostrum mouentibus, expresse mandauimus, ut occasione tam Capituli Generalis tunc de proximo, quam aliorum quorumcumque in perpetuum celebrandorum, nullatenus a Conuentibus dictæ Congregationis Mantuanæ deueniretur ad electionem Sociorum & quatenus pro tunc imminenti illorum electio secuta fuisset, sic electi non possent ad illud se transferre, & si qui ad locum pro eodem Capitulo destinatum jam se contulissent, in eo suffragari minime ualere, sub pœnis contra facientibus priuationis officiorum, ac uocis activæ, & passivæ, aliisque arbitrio nostro imponendis, & alias, prout in Decreto desuper iussu nostro die prædicta expedito; cujus tenorem præsentibus pro plene, & sufficienter expresso, & inserto haberi volumus, uberius continetur.

Causa non permittendi hanc electionem.

Decretum S. Pontificis eam reprobans.

§. 1. Cum autem (sicut accepimus) nouissime præteritum Capitulum Generale præfata Congregationis Mantuanæ subinde absque dictorum Sociorum interuentu juxta dispositionem dicti Decreti nostri celebratum fuerit, indeque experientia cognitum sit ipsius Decreti obseruationem eidem Congregationi multum emolumentum, atque utilitatis attulisse, ac proinde facile sperari possit, eam in futurum quoque non minus utilem, atque proficiuam fore.

Utilitas huius Decreti.

§. 2. Hinc est, quod nos firmiori ejusdem Decreti stabilimento ex commissa nobis cœlitus dispensationis munere providere, ac memoratæ Congregationis commodis, & utilitatibus, quantum Nobis ex alto conceditur, consulere cupientes: Motu proprio, ac ex certa scientia, & matura deliberatione nostris, deque Apostolicæ potestatis plenitudine, ne de cætero quuscumque Capituli Generalis dictæ Congregationis Mantuanæ pro tempore celebrandi occasione, ejusmodi Socii a Conuentibus ipsius Congregationis ullo modo eligantur, nec ad Capitulum Generale hujusmodi pro tempore celebrandum accedere, in eoque suffragari audeant quouis modo, seu præsumant, sub priuationis officiorum, ac uocis activæ, & passivæ per contrafacientes ipso facto absque alia declaratione incurrenda, aliisque nostro, seu pro tempore existentis Romani Pontificis arbitrio imponendis pœnis, tenore præsentium perpetuo prohibemus, & interdiciamus.

Illud confirmatur a Pontifice Motu proprio sub certis pœnis.

§. 3. Decernentes easdem præsentibus Literas, & in eis contenta quacumque, etiam ex eo, quod quicumque in præmissis interesse habentes, seu habere quomodolibet prætendentes illis non consenserint, nec ad ea uocati, & audiri, nec causa propter quas ipsæ præsentibus emanarint, sufficienter adductæ, verificatæ, vel iustificatæ fuerint, aut ex alia qualibet, etiam quantumuis juridica, pia, & privilegiata Causa, pretextu, colore, vel capite etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumuis magno, & substantiali, ac incogitato, & incogitabili, individuamque expressionem requirente defectu notari, impugnari, in-

Clausula.

fringi.



fringi, retractari, in controversiam vocari, aut ad terminos juris, seu Constitutionum Congregationis præfata reduci, seu adversus illas oris aperitionis, restitutionis in integrum, aliudve quodcumque juris, facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare ullo modo posse; sed ipsas præsentis literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit inviolabiliter, & inconcusse observari.

§. 4. Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, & Apostolicæ Sedis Nuntios, aliosve quoslibet quacumque præ eminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, necnon dictorum Ordinis, & Congregationis Mantuanæ, ejusque Conventuum quorumcumque, & aliis quibilibet, etiam Juramento, Confirmatione Apostolica, vel quavis firmitate alia roboratis, statutis, & consuetudinibus, etiam immemorabilibus; Privilegiis quoque Indultis, & Literis Apostolicis eidem Ordini, & Congregationi, & Conventibus, illorumque Superioribus, Fratribus, & personis quibilibet, etiam specificis, & individua mentione, & expressione dignis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & Decretis in genere, vel in specie, etiam motu, scientia, & potestatis plenitudine paribus, & alias quomodolibet in contrarium præmissorum concessis, ac pluries, & quantificumque vicibus confirmatis, approbatis, & innovatis. Quibus omnibus, & singulis etiam si pro illorum sufficienti derogatione, de illis, eorumque totis tenoribus specialis, specificis, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, præsentibus pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, & derogatum esse volumus, cæterisque contrariis quibuscumque.

§. 6. Volumus autem, ut earundem præsentium Literarum transumptis, seu exemplis, etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides tam in Judicio, quam extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die XII. Junii MDCLXXXII. Pontificatus nostri Anno Sexto.

CV. Confirmatur Decretum Capituli Generalis Ord. Carthusien., quo statuitur, ne quis utatur privilegiis aliorum Regularium in nonnullis casibus sine consensu Rev. P., aut Capituli Generalis.

*Privilegia aliorum Regularium d. Ordini concessa fuerunt a Greg. XV. Const. ed. 1623., Febr. 3. P. 2. ab Alexandro III. confirmatus fuit Ordo Constit. ed. 1176., Sept. 2., P. 17., & ab hoc Pontifice approbata fuere illius nova statuta Constit. ed. 1688., Martii 27. P. 12., item extat confirmatio alterius Decreti Capituli pro quadam Taxa Constit. ed. 1682. Aug. 24. P. 6.*

INNOCENTIUS PAPA XI.

*Ad futuram rei memoriam.*

Exponi nobis nuper fecit dilectus filius Procurator Generalis Ordinis Carthusien., quod cum fel. rec. Gregorius PP. XV. prædecessor noster eidem Ordini Privilegia aliis Regularibus concessa gratiose communicaverit, Capitulum Generale dicti Ordinis anno 1679. celebratum, ut statuta ipsius Ordinis, quæ præcipue ob solitudinem, & silentium, specialia, & strictiora, quam aliorum Ordinum sunt, illibata servaret considerans, ex communicatione privilegiorum hujusmodi aliquos ejusdem Ordinis Monachos inveniri, qui sibi placencia licere putarent, & prætextu opinionum quorundam Theologiæ moralis Doctorum de hujusmodi privilegiis nimis large sententium, atque etiam quorundam verborum in ipsis Literis Apostolicis contentorum, quæ pro suo captu interpretabantur, statuta prædicta penitus evertere conarentur, illaque per privilegia hujusmodi abrogata esse censentes, se iidem privilegiis frui debere pertinaciter assererent, ad præcludendam tot erroribus viam, prævertendamque animarum perniciem, quæ inde potuisset exoriri, decretum, seu Statutum edidit tenoris, qui sequitur videlicet. Ex Sedis quidem Apostolicæ gratia Ordo gaudet communicatione Privilegiorum aliorum Regularium Ordinum, ut patet ex Bulla Gregorii PP. XV. sed ne ullus unquam abusus ex tam amplis privilegiis irrepat inter nos contra mentem Ordinis, & ipsius Sedis Apostolicæ, quæ juxta exigentiam temporum, privilegia ipsa explicat, aut restringit, statuimus, & ordinamus, ne ulla persona Ordinis possit uti privilegiis aliis Regularibus concessis circa casus, censuras, & dispensationes, quæ in nostris Statutis expressa non habentur, absque scitu, & consensu Rev. Patris, aut Capituli Generalis, ad quod pertinet privilegiorum istorum dispensatio. Cum autem sicut eadem expositio subjungebat dictus Procurator Generalis Statutum, seu Decretum hujusmodi, quo firmius subsistat, & servetur exactius, Apostolicæ confirmationis nostræ patrocinio communiti summopere desideret. Nobis propterea dilecti etiam filii Superioris Generalis dicti Ordinis, ac Capituli Generalis prædicti nomine humiliter supplicari fecit, ut in præmissis opportune providere de benignitate Apostolica dignaremur.

§. 1. Nos igitur Superiorem Generalem, & Procuratorem Generalem præfatos specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & poenis a jure vel ab homine quavis occasione, vel causa latis, si quibus quomodolibet innodatæ existant ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati de Venerabilium Fratrum nostrorum S. R. E. Cardinalium Concilii Tridentini Interpretum consilio, præinsertum Decretum, seu Statutum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adijcimus, ac omnes, & singulos juris, & facti defectus, si qui desuper quomodolibet intervenerint, supplemus.

Dat. 31. Julii  
1682. An. 6.

Causa d.  
Decreti extitit abusus  
Privilegii a  
Greg. XV.  
concessi.

Decretum  
Capituli Generalis.

Preces Superioris,  
ac Procuratoris  
Generalis.

Confirmatio supra  
relati Decreti.



§. 2. Decernentes eadē præſentes Literas ſemper firmas, validas, & efficaces exiſtere, & fore, ſuoſque plenarios, & integros effectus ſortiri, & obtinere, ac ab illis, ad quos ſpectat, & pro tempore quādoꝛumque ſpectabit, inuolūbiliter obſervari; ſicque in præmiſſis per quōſcumque Judices Ordinarios, & delegatos, etiam Cauſarum Palatii Apoſtolici Auditores iudicari, & deſiniri debere, ac irritum, & inane ſi ſecus ſuper his a quoquam quavis auctoritate ſcienſer, vel ignoranter contigerit attentari.

§. 3. Non obſtantibus præmiſſis, ac Conſtitutionibus, & Ordinationibus Apoſtolicis, nec non quatenus opus ſit dicti Ordinis, aliſve quibuſvis etiam Juramento, confirmatione Apoſtolica, vel quavis firmitate alia roboratis Statutis, & conſuetudinibus; privilegiis quoque Indultis, & Literis Apoſtolicis in contrarium præmiſſorum quomodolibet conceſſis, confirmatis, & innovatis. Quibus omnibus, & ſingulis, illorum tenores præſentibus, pro plene, & ſufficienter expreſſis, ac ad verbum inſertis habentes, illis alias in ſuo robore permanſuris ad præmiſſorum effectum hac vice dumtaxat ſpecialiter, & expreſſe derogamus, cæteriſque contrariis quibuſcumque.

§. 4. Volumus autem, ut earundem præſentium Literarum tranſumptis, ſeu exemplis etiam impreſſis manu alicujus Notarii publici ſubſcriptis, & ſigillo perſonæ in Eccleſiaſtica dignitate conſtitutæ munitis eadē proſus fides tam in iudicio, quam extra illud ubique locorum habeatur; quæ haberetur iſis præſentibus ſi forent exhibitæ, vel oſtenſæ.

Datum Romæ apud S. Mariam Majorem ſub Annulo Piſc. die XXXI. Jul. MDCLXXXII. Pontificatus noſtri Anno Sexto.

CVI.

Transferetur Indulgentia Plenaria perpetua in Feſtis SS. Placidi, & Mauri ad Feſta SS. Zoili, & Felicis in Monasterio S. Zoili de Corriion Palentinæ Diœceſis.

*Prædicta Indulgentia in Feſtis SS. Placidi, & Mauri conceſſa fuit a Clemen. X. Conſtitut. ed. 1671. Dec. 19. P. 2.*

Dat. 24. Aug. 1682. An. 6.

INNOCENTIUS PAPA XI.

*Ad perpetuam rei memoriā.*

**E**Xponi Nobis nuper fecerunt dilecti filii Abbas, & Monachi Monasterii Sancti Zoili Locī de Carrion Palentinæ Diœceſis Ord. Sancti Benedicti, quod inter alias Indulgentias, & peccatorum remiſſiones, ac poenitentiarum relaxationes Chriſtifiſidelibus Eccleſias Ordinis ejuſdem S. Benedicti viſitantibus, a diverſis Romanis Pontificibus Prædeceſſoribus Noſtris conceſſas, ſel. recor. Clemens Papa X. Prædeceſſor pariter Noſter, omnibus, & ſingulis utriuſque ſexus Chriſtifiſidelibus, vere poenitentibus, & confeſſis, ac Sacra Communione refeſtis, qui aliquam ex Eccleſiis quorūcumque Monasteriorum, tam Monachorum, quam Monialium Regulam Sancti Benedicti profitentium, eatenus erectis, & in poſterum quādoꝛumque erigendis, ac ubicumque locorum exiſtentibus in Sanctorum Benedicti, & Scholaſticæ, ac Placidi, & Mauri feſtis diebus, necnon die decima tertia Novembris, qua omnium Sanctorum Ordinis prædicti Commemoratio ibidem fieri ſolet a primis Veſperis, uſque ad occaſum Solis dierum hujusmodi ſingulis annis devote viſitaſſent, & ibi pro Chriſtianorum Principum concordia, hæreſum extirpatione, ac Sanctæ Matris Eccleſiæ exaltatione piās ad Deum preces effuſiſſent, quo die ex prædictis id egiſſent plenariam omnium peccatorum ſuorum Indulgentiam, & remiſſionem miſericorditer in

A Clemen. X. conceſſa fuit præd. Indulgentia in feſtis S. Benedicti, Scholaſticæ, Placidi, & Mauri.

Domino in perpetuum conceſſit, prout in liſteris Apoſtolicis deſuper in ſimili forma Brevis die decima nona Decembris 1671. expeditis uberius continetur.

§. 1. Cum autem ſicut eadē expoſitio ſubjungebat præſata Eccleſia Monasterii S. Zoili de Carrion a Chriſtifiſidelibus illarum partium, diebus feſtis Sanctorum Placidi, & Mauri, minus frequentetur, majorque ad illam confluat Fidelis Populi multitudo in diebus Feſtis Sanctorum Zoili, ac Felicis Martirum quorum Corpora (ut pie creditur) in eadē Eccleſia honorifice collocata ſunt. Nobis propterea d. Exponentes humiliter ſupplicari fecerunt, ut in præmiſſis oportune providere, & ut infra indulgere de benignitate Apoſtolica dignaremur.

§. 2. Nos igitur ſupplicationibus eorumdem Abbatis, & Monachorum nomine Nobis ſuper hoc humiliter porreſtis inclinati, Indulgentiam plenariam diebus feſtis Sanctorum Placidi, & Mauri conceſſam, ut præfertur, quoad Eccleſiam Monasterii S. Zoili de Carrion dumtaxat in diebus feſtis eorumdem Sanctorum Zoili, & Felicis Martirum; itaut Chriſtifiſideles vere poenitentes, & confeſſi, ac Sacra Communione refeſti, qui de cætero eadē Eccleſiam in diebus feſtis memoratorum Sanctorum Zoili, & Felicis a primis Veſperis, uſque ad occaſum ſolis dierum hujusmodi ſingulis annis devote viſitaverint, & ibi, ut ſupra oraverint, quo die prædictorum id egerint eadē plenariam Indulgentiam omnium peccatorum ſuorum, & remiſſionem conſequantur, quam conſequerentur ſi in iſis feſtivitibus Sanctorum Placidi, & Mauri Eccleſiam prædictam viſitarent, ſervata tamen cæteroqui ſupradictarum literarum forma, & diſpoſitione, Apoſtolica auctoritate tenore præſentium perpetuo transferimus; in contrarium faciētib; non obſtantibus quibuſcumque.

Dat. Romæ apud S. Mariam Majorem ſub Annulo Piſcator. die XXIV. Aug. MDCLXXXII. Pontificatus noſtri Anno Sexto.

Confirmatur Decretum Congregationis Rituum de electione S. Ignatii de Loyola in Patronum Regionis Cantabriæ.

CVII.

*Similem electionem S. Joſephi habes Conſtit. ad 1671. Apr. 19. P. 3.*

INNOCENTIUS PAPA XI.

*Ad futuram rei memoriā.*

**N**uper a Congregatione Venerabilium Fratrum noſtrorum S. R. E. Cardinalium Sac. Ritibus præpoſitorum emanavit ad favorem dilectorum filiorum Communitatum, ac Univerſitatum, & hominum, Civitatum, & Locorum, Regionis illius Cantabriæ, quæ Hispance Vizcaya nuncupatur Decretum tenoris, qui ſequitur: videlicet. Sacra Rituum Congregatio ad relationem Em̄i, & Rm̄i Dni Cardinalis Columnæ, cogita cauſa, quod Regio illa Cantabriæ, quæ hispanice Vizcaya nuncupatur per omnium Civitatum, & Locorum ſuffragia elegit ſibi Patronum unicum Sanctum Ignatium de Loyola Societatis Jeſu Fundatorem ob præſtantem ejus Sanctitatem, & ſpecialem omnium propenſionem in eum, utpote illius dominatus originarium, & hujusmodi electio facta fuit ſervatis ſervandis juxta Decretum ſuper electione Sanctorum in Patronos ab eadē Sacra Congregatione juſſu ſel. rec. Urb. VIII. ſub die 23. Martii 1630. emanatum, prædictam electionem approbavit, & confirmavit: Et de præſato S. Ignatio, ut præfertur in unicum Patronum principalem ſic electo, prærogativas omnes eiſdem

Preces Abbatibus, & Monachorum.

Tranſlatio præſate Indulgentiæ.

Dat. 7. Sept. 1682. An. 6.

Decretum præd. Congregationis.



unicis Sanctis Patronis principalibus competentes decrevit, juxta tamen Rubricas Breviarum, & Missalis Romani, & ad formam Constitutionis ejusdem Urbani VIII. super observatione festorum die 13. Septembris 1641. edit. hac die 22. Augusti 1682. - Caf. Card. Fachennetus - Bernardus Casalius Sac. Rituum Congregationis Secretarius.

Preces Populorum.

§. 1. Cum autem sicut pro parte Communitatum, ac Universitatum, & hominum prefatorum Nobis subinde expositum fuit, ipsi Decretum hujusmodi quo firmiter subsistat, Apostolica confirmationis nostrae patrocinio communiti plurimum desiderant: Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, Decretum praesentium auctoritate Apostolica tenore praesentium approbamus, & confirmamus, illique inviolabilis Apostolicae firmitatis robur adjicimus, salva tamen in praemissis auctoritate praefatae Congregationis Cardinalium.

Confirmatio relati Decreti.

Clausula.

§. 2. Decernentes easdem praesentes literas semper firmas, validas, & efficaces existere, & fore suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari; Sicque in praemissis per quoscumque Judices Ordinarios, & delegatos etiam Causarum Palatii Apostolici Auditores judicari, & definiti debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

Dat. Romae apud S. M. Majorem sub Annulo Piscatoris die VII. Septembris MDCLXXXII. Pontificatus nostri anno Sexto.

CVIII.

Confirmatur Decretum Congregationis Rituum quo declaratur, licere Monachis Carthusien. Papiae instituere Processionem in Festivitate Corporis Christi apertis Januis intra Claustra.

De Privilegiis Carthusianorum vide Const. ed. 1682. Julii 31. P. 6. Item Constit. ed. 1688. Octob. 18. P. 6.

Dat. 11. Sept. 1682. An. 6.

INNOCENTIUS PAPA XI.

Ad futuram rei memoriam.

EManavit nuper a Congregatione Venerabilium Fratrum nostrorum S. R. E. Cardinalium Sacris Ritibus praepositorum Decretum tenoris qui sequitur, videlicet. In Congregatione Sacrorum Rituum proponente Eno, & Rmo D. Cardinali Ludovico, discussa causa controversiae processionis fieri solitae solemnitate SSni Corporis Christi verten. inter Monachos Carthusianos Papiae, & Promotorem Fiscalem Mensae Episcopalis ejusdem Civitatis, eadem Sacra Congregatio utraque parte hinc inde audita, & informante, declaravit licere Patribus Carthuse Papien. facere Processionem in festivitate Corporis Christi apertis Januis intra Claustra, & ita decrevit die 22. Augusti 1682. - Caf. Cardinalis Fachennetus - Bernardus Casalius Sac. Rit. Congregationis Secret.

Decretum Congr. praedictae contra Promotorem Fiscalem Mensae Episcopalis Papiae.

Preces Prioris, & Monachorum.

§. 1. Cum autem sicut pro parte dilectorum filiorum Prioris, & Monachorum Monasterii Papien. Ordinis Carthusien. Nobis subinde expo-

situm fuit, ipsi Decretum hujusmodi, quo firmiter subsistat, Apostolicae confirmationis nostrae patrocinio communiti plurimum desiderant, Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati Decretum praesentium auctoritate Apostolica tenore praesentium approbamus, & confirmamus, illique inviolabilis Apostolicae firmitatis robur adjicimus; salva tamen in praemissis auctoritate memoratae Congregationis Cardinalium.

Confirmatio relati Decreti.

Clausula.

§. 2. Decernentes easdem praesentes literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari. Sicque in praemissis, per quoscumque Judices Ordinarios, & delegatos, etiam Causarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris die XI. Septembris MDCLXXXII. Pontificatus Nostri Anno Sexto.

Confirmatur Summarium Indulgentiarum, & facultatum Confraternitati Servorum, sive Septem Dolorum B. M. V. concessarum.

CIX.

Alia Indulgentia huic Confraternitati concessa fuerunt Constit. ed. 1681. Septem. Pont. 5.

INNOCENTIUS PAPA XI.

Dat. 14. Oct. 1682. An. 7.

Ad futuram rei memoriam.

EXponi Nobis nuper fecerunt Dilecti filii Vicarius Generalis, & Procurator Generalis Ordinis Fratrum Servorum Beatae Mariae Virginis, quod nonnulli Romani Pontifices Praedecessores nostri quasdam Indulgentias, seu peccatorum remissiones, & poenitentiarum relaxationes Confratribus, & Consoforibus Confraternitatis sub titulo Servorum, sive Septem Dolorum ejusdem Beatae Mariae Virginis erectae, & institutae, sub certis modo, & forma tunc expressis concesserint, ac Priori Generali, eoque absente Vicario Generali dicti Ordinis similes Confraternitates erigendi, & instituendi, illisque Indulgentias, seu peccatorum remissiones, & poenitentiarum relaxationes hujusmodi communicandi facultatem tribuerint; Summarium earundem Indulgentiarum, aliarumque gratiarum confectum, ac de mandato Congregationis Venerabilium Fratrum nostrorum S. R. E. Cardinalium Indulgentiis, & Sacris Reliquiis praeposita a quodam ipsius Congregationis Consultore eum originalibus Literis Apostolicis confessionum hujusmodi collatum, & recognitum fuit, tenoris, qui sequitur.

Plures Indulgentiae, & facultates concessae fuerunt d. Confraternitati.

Summarium Indulgentiarum recognitum.

Indul-



*Indulgenze della Compagnia di S. Maria de' Servi, detta de' Sette Dolori.*

Indulgenza Plenaria nel giorno, che si veste l'abito.

I. La Sa. me. di Paolo V. rivocando tutte l'Indulgenze concesse da' suoi Predecessori, concede ad ogni fedel Christiano dell'uno, e dell'altro sesso, che pigliaranno il solito Abito della Beata Vergine de' Servi, & entreranno nella predetta Confraternità nel primo giorno del loro ingresso, se veramente pentiti, e confessati, si comunicheranno, Indulgenza plenaria.

Nel giorno della Principale Festa.

II. Alli Confrati, e Sorelle di detta Confraternità, che nel giorno della Festa Principale di detta Confraternità dalli primi Vespri, fino al tramontar del Sole, veramente pentiti, confessati, e comunicati divotamente visiteranno la Chiesa, dove è eretta detta Confraternità, & ivi pregaranno Iddio con devoto Orazioni per la concordia de' Principi Christiani, estirpazione dell'Eresie, e falsazione della Santa Madre Chiesa Indulgenza plenaria.

Nel punto di morte.

III. In articolo di morte alli detti Confratelli, e Conforelle, che pentiti, e confessati, e comunicati, ò non potendo ciò fare, almeno veramente pentiti invocaranno divotamente il nome di Gesù con la bocca, se potranno, ò col cuore, Indulgenza plenaria, e remissione di tutti i peccati.

Altre Indulgenze in alcune Feste.

IV. In oltre alli Fratelli, e Conforelle parimente pentiti, confessati, e comunicati, che similmente visiteranno la Chiesa, Cappella, ò vero Oratorio della detta Confraternità nella Natività, Annunciazione, Purificazione, & Assunzione della Beata Vergine da primi Vespri, fino al tramontar del Sole di dette Feste, e pregaranno Iddio, come sopra; sette anni, e tante Quarantene.

Nella Processione del Meic.

V. A quelli, che intervengono alla Processione da farsi per detta Confraternità in una Domenica del mese con licenza dell'Ordinario, se faranno pentiti, confessati, e comunicati, come sopra; tre Anni, e tante Quarantene.

Nel giorno di Venerdì.

VI. A quelli, che ogni Venerdì in memoria, & onore della Passione di Gesù Cristo Signor Nostro recitaranno cinque Pater, e cinque Ave, pregando Iddio per l'esaltazione di Santa Madre Chiesa, se nel medesimo giorno, si faranno confessati, e comunicati, sette anni, & altrettante Quarantene.

Nell'accompagnamento del SS. Sacramento.

VII. A quelli, che accompagneranno il Santissimo Sacramento dell'Eucaristia all'Infermi, pregando Iddio per loro salute, ogni volta cinque anni, e tante Quarantene.

Nella recitazione dell'Officio.

VIII. A quelli, che insieme recitaranno l'Officio della Beata Vergine nella Chiesa, ovvero Oratorio di detta Confraternità; cento giorni d'Indulgenza.

Nella presenza alle Messe, e Divini Offizj &c. e nel fare opere pie.

IX. A predetti Fratelli, e Conforelle, che saranno presenti, & intervengono alle Messe, & altri Divini Offizj da celebrarsi, e recitarsi da detti Confratelli nella Chiesa, ovvero Oratorio di detta Compagnia, o intervengono alle Congregazioni pubbliche, o private di detta Confraternità in qualsivoglia luogo si faranno, ovvero accompagneranno i corpi de loro Defonti Confratelli, o di qualunque altro alla Sepoltura, ovvero faranno qualunque altra opera pia, o caritatevole ogni volta sessanta giorni d'Indulgenza.

X.

Con facoltà al Padre Generale dell'Ordine de' Servi *pro tempore* erigere, & instituire dette Compagnie de' Laici dell'uno, e l'altro sesso nelle Chiese dell'Ordine, dove sia Convento almeno di sei, o cinque Frati professi Sacerdoti del suo Ordine con licenza, e consenso dell'Ordinario del Luogo, e di comunicar loro tutte le sopradette Indulgenze, e grazie spirituali servata la forma della Costituzione di Clemente VIII. *Quaecumque &c.* Dat. Romæ apud Sanctum Petrum sub Annulo Piscatoris die 14. Februarii 1607.

Il Generale dell'Ordine puole fondare altre Confraternità, secondo il Breve di Paolo V.

XI.

L'istesso Sommo Pontefice concede Indulgenza plenaria, e remissione di tutti i peccati a i Fratelli, e Conforelle delle dette Confraternità canonicamente erette nelle Chiese dell'Ordine, che intervengono divotamente alla Processione solenne solita farsi dalla Confraternità ogni terza Domenica del mese nelle Chiese sudette veramente pentiti, confessati, e comunicati divotamente pregando per la concordia de' Principi Christiani, estirpazione dell'Eresie, & falsazione della Santa Madre Chiesa. Dat. Romæ die decima Martii 1611.

Indulgenza Plenaria nella Processione d'ogni terza Domenica.

XII.

E perche non in tutti i luoghi è solito farsi detta Processione nella terza Domenica del mese, l'istesso Sommo Pontefice concede Indulgenza plenaria alli Fratelli, e Conforelle della detta Compagnia, che intervengono divotamente alla detta Processione in una qualsivoglia Domenica del mese, che si farà nelle Chiese dell'Ordine, conforme alla consuetudine delle Città, e Luoghi, se veramente pentiti, e comunicati, e pregaranno Iddio, come sopra sub Datum Tusculi sub Annulo Piscatoris die 7. Junii 1611.

Facoltà data al Padre Generale, o Vicario Generale da Cleme. VIII.

XIII.

L'istesso Sommo Pontefice da facoltà al Generale *pro tempore*, & in assenza al di lui Vicario Generale dell'Ordine de' Servi d'erigere, & instituire nelle Chiese dell'Ordine Confraternità conforme alla forma prescritta di sopra, e comunicar loro dette Indulgenze, ancorchè non vi abitino almeno cinque Frati Sacerdoti professi, & in oltre concede, che i Fratelli, e Sorelle delle Compagnie sudette, innanzi li 14. Febraio 1607. instituite in Chiesa, dove non fossero almeno cinque Sacerdoti professi godano tuttavia l'Indulgenze della Compagnia, facendo l'opere prescritte. Datum Romæ apud Sanctum Marcum sub Annulo Piscatoris 28. Julii 1607.

Altra facoltà conceduta da Urb. VIII.

XIV.

La Sa. me. d'Urbano VIII. concede al Prior Generale dell'Ordine de' Servi, facoltà anco di erigere la sudetta Compagnia nelle Chiese de' Secolari, con il consenso però espresso dell'Ordinario del Luogo, e Rettore di dette Chiese, e conforme alla prescritta forma di Paolo V. ne' Brevi sopradetti, e di comunicar tutte l'Indulgenze da detto Paolo V. concesse alla medesima Confraternità, & inoltre di poter il Prior Generale per una sol volta destinare nelle dette Chiese Secolari li Sette Altari, che divotamente visitati dalli Confratelli, e Sorelle di queste Confraternità da erigergli in virtù di tal facoltà conceduta da Urbano VIII., e osservando essi l'altre cose per guadagnare le dette Indulgenze, e grazie spirituali, che questi le conseguiscino, come nel Breve dato li 18. Settembre 1628.

Preces Vicarij, & Procuratoris.

§. 1. Cum autem, sicut eadem expositio subjungebat, Vicarius Generalis, & Procurator Generalis prefati, premissa, quo firmius subsistant Apostolicæ confirmationis nostræ patrocinio communiri summopere desiderent. Nos

specialem



specialem ipsi Vicario Generali, & Procuratori Generali gratiam facere volentes; & eorum singulares personas a quibusvis excommunicationis, suspensionis, & interdicti, aliisque Ecclesiasticis sententis, censuris, & pœnis a jure, vel ab homine, quavis occasione, vel causa latis, si quibus quomodolibet innodata existunt ad effectum presentium duntaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinari, Summarium præsertim, cum omnibus, & singulis in eo contentis auctoritate Apostolica tenore presentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus: Salva tamen semper in præmissis auctoritate memoratæ Congregationis Cardinalium.

Confirmatio  
relati Sum-  
marii.

Claufulæ.

§. 2. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit plenissime suffragari; sicque in præmissis per quoscumque Judices ordinarios, & Delegatos, etiam causarum Palatii Apostolici Auditores, judicari, & definiti debere, ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 4. Volumus autem, ut earumdem presentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides ubique locorum, tam in judicio, quam extra illud habeatur, quæ ipsis presentibus haberetur si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXIV. Octobris MDCLXXXII. Pontificatus nostri Anno Sexto.

CX.

Confirmatur Decretum Card. Protectoris circa abrogationem Commissariorum Generalium pro Provinciis Indiarum Orientalium Ordinis Fratrum Minorum S. Francisci de Observantia.

*De Commissariis Generalibus Indiarum, vide Urbani VIII. Const. ed. 1625, Novem. 20. P. 3.*

INNOCENTIUS PAPA XI.

*Ad futuram rei memoriam.*

Exordium.

EX debito pastoralis officii, quod inscrutabilis Divinæ Sapientiæ altitudo humilitati nostræ, viribus licet, & meritis longe impari, imponere dignata est, paternam Christifidelium qui e fluctibus sæculi in portum vitæ religiose confugerunt, curam peculiari charitate assidue gerentes, ea, quæ pro felici, prosperoque illorum regimine, & gubernio provide constituta, atque ordinata esse noscuntur, ut firma, & illibata persistant, Apostolici muniminis præsidio, cum id a nobis petitur libenter corroboramus.

Species facti.

§. 1. Exponi siquidem Nobis nuper fecit dilectus filius Ambrosius ab Assumptione Frater expressè professus, ac Procurator Provinciarum S. Thomæ Apostoli, & Matris Dei in Indiis Orientalibus Ordinis Fratrum Minorum S. Francisci de Observantia nuncupatorum, quod Venerabilis Frater Noster Alderanus Episcopus Tusculanus

S. R. E. Cardinalis Cybus nuncupatus, dicti Ordinis apud Nos, & Sedem Apostolicam Protector inhærendo quibusdam patentibus literis a dilecto filio Petro Marino Sormano Generali ejusdem Ordinis die 21. Maji proxime præteriti emanatis, easque opportune declarando, & quæ deerant supplendo, decrevit, & mandavit, ne de cætero Commissarii Generales ad dictas Provincias amplius deputentur, variasque ordinationes fecit, tam circa deputationem Præsidentum, & Conjudicum; qui Causas appellationum in eisdem Provinciis cognoscant, & sine debito prout juris fuerit terminent, quam circa Commissarios ad visitandas Provincias hujusmodi, celebrandaque illorum Capitula Provincialia deputari solitos, necnon circa præcedentiam dictis Præsidentibus decernendam, & alias, prout uberius continetur in ipsius Alderani Episcopi Cardinalis, & Protectoris Literis patentibus desuper expeditis, tenoris, qui sequitur, videlicet:

§. 2. Alderanus Episcopus Tusculanus S. R. E. Cardinalis Cybo Seraphici Ordinis S. Francisci apud S. Sedem Protector.

§. 3. Dilectis Nobis in Christo Patribus Provincialibus, Provinciæ Patribus, Custodi, Diffinitoribus, ceterisque aliis Patribus, & Fratribus Provinciarum nuncupatarum S. Thomæ Apostoli, & Matris Dei in Indiis Orientalibus salutem, & divinatorum Chriftimatum incrementum. Fr. Ambrosius ab Assumptione Provinciæ Matris Dei Pater, & Commissarius Generalis Terræ Sanctæ, quem procuratorio nomine ad Capitulum Generale, & ad Romanam Curiam prout utriusque vestræ Provinciæ negotiis ablegatus, exhibuit Nobis quasdam literas patentes Patris Petri Marini Sormani Moderni Ministri Generalis totius Ordinis S. Francisci datas in Conventu S. Joannis Regum Toleti sub die 21. Maji 1682. quarum tenor est, quod attentata petitione per dictum Procuratorem nomine vestro ei oblata, visis, & prævia consultatione nonnullorum Patrum graviorum mature perpenfis rationibus per vos, Procuratoremque vestrum præfatum exhibitis, ne imposterum ob maximam paupertatem, & angustiam, qua vestræ Provinciæ premuntur, Commissarii Generales ad easdem Provincias deputentur, præfatus Minister Generalis tum ad evitandos maximos sumptus in deputatione, & Missione dictorum Commissariorum, fieri consuetos, tum etiam ut electiones vestræ majori cum pace, ac sine alicujus præpotentia perfici possent, statuit atque decrevit dictas Provincias vestras ab hujusmodi onere, & dispendiis eximere, ac prout tales Commissarios Generales non amplius deputare, nec ab aliis imposterum deputandos fore, prout in dictis Literis patentibus expresse, & latius continetur. Cumque idem Fr. Ambrosius ab Assumptione easdem literas patentes auctoritatis, protectionisque nostræ robore muniti, & confirmari humiliter postulaverit. Nos firmo permanente ipsarum literarum tenore, quem hic pro inserto habere volumus, aliquibus tantummodo pro majori claritate, & faciliiori executione immutatis, atque ordinatis, decernimus pariter, & mandamus præfatos Commissarios Generales ad dictas vestras Provincias non amplius deputari debere, & præsentem determinationem a moderno, & pro tempore existente Magistro Generali inviolabiliter observandam fore. Ne autem earundem Provinciarum Religiosi, quoties a proprio Provinciali, vel Diffinitorio per sententiam se injuste gravari sentirent, Appellationis beneficio careant, inhærentes dispositioni dictarum literarum patentium, volumus, & presentium tenore præcipimus, ut in Capitulis utriusque Provinciæ per Diffinitorium noviter electum deputetur unus ex maturioribus, & doctioribus Provinciæ Patribus, qui tanquam Præsides appellatio-

Decretum  
Card. Protec-  
toris cum  
altero Minis-  
tri Genera-  
lis.Interdicta  
fuit missio  
dd. Commis-  
sariorum, &  
permissa elec-  
tio Præsidi-  
um, ac judi-  
cium appella-  
tionum.

num